

200

30. des.

**REGLUGERÐ**

um breyting á reglugerð um niðurjöfnun og innheimtu vatnsskatts í Reykjavík  
nr. 200 24. des. 1957.

## 1. gr.

1. gr. 1. mgr. orðist svo:

Af öllum húsum í lögsagnarumdæmi kaupstaðarins, sem standa við vegi eða opin svæði, þar sem vatnsæðar liggja, skal greiða árlegan vatnsskatt 0.8% af fasteignamatsverði hússins, þó aldrei lægra en 200.00 kr.

## 2. gr.

2. gr. 2. mgr. orðist svo:

Aukavatnsskatt samkv. 1. málsg. skal innheimta samkvæmt mæli með 1 krónu verði fyrir hvern teningsmetra.

Reglugerðarbreyting þessi, sem bæjarstjórn Reykjavíkur hefur samið og samþykkt, staðfestist hér með samkvæmt lögum nr. 15 20. júní 1923, sbr. lög nr. 93 5. júní 1947, til þess að öðlast gildi 1. janúar 1959.

*Félagsmálaráðuneytið, 30. desember 1958.*

**Friðjón Skarphéðinsson.**

*Hallgrímur Dalberg.*

201

30. des.

**REGLUGERÐ**

fyrir vatnsveitu Selfoss.

## 1. gr.

Vatnsveita Selfosshrepps hefur einkarétt til vatnssölu innan takmarka Selfosshrepps og jarðarinnar Laugadæla með hjáleigum í Hraungerðishreppi. Öll framkvæmdastörf, er vatnsveituna snerta, hefur hreppsnefnd Selfosshrepps með höndum.

## 2. gr.

Vatnsveitan lætur leggja aðalvatnsæðar um þorpið svo víða, sem fært þykir, svo að húseigendur eigi greiðan aðgang að þeim í fyrirhuguðu vegarstæði eða götu, er lóðir þeirra liggja að. Vatnsveitan leggur til leiðslur frá götuæð að húsvegg, og sér um tengingu þeirra. Húseigendur sjá að öðru leyti um lagningu heimæða á sinn kostnað.

## 3. gr.

Hver sá, sem vill komast í samband við vatnsveitu Selfoss, skal senda hreppsnefnd skriflega umsókn þar um. Umsókninni skulu fylgja upplýsingar um, hve mikið vatn hlutaðeigandi telur sig þurfa að nota.

## 4. gr.

Umsjónarmaður vatnsveitunnar hefur eftirlit með öllu, sem að vatnsveitunni lýtur, og er öllum neytendum skylt að fara að fyrirmælum hans um efni, lagningu og viðhald vatnsæða sinna og annast viðgerðir og endurbætur tafarlaust, ef hann telur þess þörf.

## 5. gr.

201

Umsjónarmanni vatnsveitunnar er heimilt að loka vatnsæðum fyrir þeim, sem eftir ítrekaða áminningu eyða vatni að óþörfu, nota það svo óþrifum valdi eða vanrækja að annast nauðsynlegt viðhald á pípum sínum og tækjum, sem við þær eru tengd.

Bannað er að tengja vélar við vatnsveituna, nema með sérstökum samningi við hreppsnefndina. Neytendum er heimilt að skjóta ágreiningsatriðum til úrskurðar hreppsnefndar.

## 6. gr.

Hreppsnefndin getur fyrirskipað takmörkun á vatnsnotkun og jafnvel lokað fyrir vatn ákveðinn tíma, til að tryggja fyrirtækjum, sem ekki geta án þess verið, nægilegt vatn. Þegar þannig stendur á, getur vatnsnotandi ekki krafizt lækkunar á gjaldi fyrir vatnið.

Umsjónarmaður vatnsveitunnar getur lokað fyrir vatnið meðan hreinsun eða viðgerð fer fram á geymi eða æðum vatnsveitunnar, enda skal slíkt tilkynnt fyrir fram, ef þess er kostur.

## 7. gr.

Af öllum húsum á vatnsveitusvæðinu, sem virt eru til fasteignamats og vatni er veitt í eða úr næst til vatnsæða, skal greiða vatnsskatt. Skatturinn skal lagður á eftir lögskipaðri fasteignamatsvirðingu húsanna og telst húshluti, sem virtur er sér til fasteignamats, í þessu sambandi sem heilt hús.

## 8. gr.

Af nýjum húsum, sem tengd eru við vatnsveitukerfið, skal greiða tengi- eða stofngjald og skal það nema 1% af fasteignamatsverði húsanna. Þó ekki lægra en kr. 500.00 af hverju húsi.

Gjald þetta fellur í eindaga um leið og húsið er tengt við vatnsæð.

## 9. gr.

Af öllum húsum á vatnsveitusvæðinu, sem svo er ástatt um, sem um ræðir í 7. gr., skal greiða vatnsskatt  $\frac{1}{2}\%$  fasteignamats árlega. Þó skal lágmark skattsins vera kr. 200.00 fyrir hvert íbúðarhús. Ef um er að ræða hús, sem að dómi hreppsnefndar nota vatn til annars en venjulegra heimilisþarfa, vegna atvinnu sem í þeim er rekin og útheimtir mikið vatn, skal greiða vatnsskatt  $1\frac{1}{2}\%$  fasteignamatsverðs árlega.

## 10. gr.

Fyrir önnur vatnsnot skal greiða sem hér segir:

- a. Fyrir vatn til frystihúsa, sláturhúsa, mjólkurbúa og verksmiðjureksturs heimilast hreppsnefndinni að krefjast greiðslu samkv. vatnsmælum, og skal þá greiða 90 aura fyrir hverja smálest af fyrstu 1000 smál. og 50 aura af hverri smálest, sem umfram er.
- b. Fyrir önnur vatnsnot en hér hafa verið nefnd, skal greiða samkvæmt samkomulagi við hreppsnefndina.

## 11. gr.

Nú hrökkva ekki tekjur vatnsveitunnar fyrir gjöldum og getur þá hreppsnefndin ákveðið fyrir eitt ár í senn að hækka vatnsskatt þennan um allt að 50%.

## 12. gr.

Gjalddagi á vatnsskatti skal vera 1. maí ár hvert. Þó má innheimta mánaðarlega fyrir vatn, sem notað er til atvinnurekstrar eða annars en venjulegrar heimilis-

- 201** notkunar. Vatnsskatt má taka lögtaki í hinu skattskylda húsi eða atvinnufyrirtæki  
30. des. án tillits til eigendaskipta. Skatturinn nýtur lögveðréttar í eigninni næstu tvö ár  
eftir gjalddaga, með forgangsrétti fyrir hvers konar sammingsveði eða aðfararveði.

## 13. gr.

Brot á reglugerð þessari varða sektum allt að kr. 1 000.00, nema þyngri refsing  
liggi við að lögum.

Reglugerð þessi, sem samin er og samþykkt af hreppsnefnd Selfosshrepps,  
staðfestist hér með samkvæmt vatnalögum nr. 15 20. júní 1923, sbr. lög nr. 93  
5. júní 1947, um aðstoð til vatnsveitna, til þess að öðlast gildi þegar í stað, og  
birtist til eftirbreytni öllum þeim, sem hlut eiga að máli.

Jafnframt er úr gildi felld reglugerð fyrir vatnsveitu Selfoss nr. 215 11. okt. 1950.

*Félagsmálaráðuneytið, 30. desember 1958.*

**Friðjón Skarphéðinsson.**

*Hallgrímur Dalberg.*

**202**

30. des.

**REGLUGERÐ****um holræsi og holræsagjald í Selfosshreppi.**

## 1. gr.

Þar sem hreppsnefnd hefur látið leggja holræsi í götu eða á opnu svæði á  
kostnað sveitarsjóðs, er hverjum húseiganda skylt að leggja á sinn kostnað ræsi  
frá húsinu, er flytji allt skolp frá því út í aðalræsið. Vanræki einhver húseigandi  
að gera ræsi með hæfilegum fresti, er hreppsnefnd setur, skal hreppsnefndin láta  
vinna verkið á hans kostnað.

## 2. gr.

Áður en húseigandi byrjar að leggja ræsi sitt, skal hann skýra oddvita eða  
þeim, sem hreppsnefnd felur umsjá með lagningu holræsa um þorpið, frá því og  
fá samþykki þar til. Skal allt, sem holræsum utan húss og innan tilheyrir, ákveðið  
í samráði við umsjónarmann. Hann skal og hafa umsjón alla með verkinu og er  
húseiganda skylt að hlýða fyrirmælum hans í öllu því, er að tilhögun og lagningu  
ræsanna lýtur.

Engir mega leggja eða ganga frá holræsum, sem liggja í holræsanet þorpsins,  
nema hreppsnefnd hafi viðurkennt þá hæfa til þess starfs.

## 3. gr.

Holræsagjald skal greiða árlega af öllum húsum, sem standa við götu eða opið  
svæði, sem holræsi hefur verið lagt í. Skal gjaldið lagt á eftir fasteignamati og  
vera 3% af fasteignamati hvers húss, enda sé lágmarksgjald fyrir hvert hús 100  
krónur.

Gjöld þessi getur hreppsnefnd hækkað eða lækkað eftir ástæðum allt að 50%  
fyrir eitt ár í senn.

## 4. gr.

Holræsagjaldið greiðist af húseiganda og ber hann ábyrgð á greiðslu þess.  
Gjaldið hefur lögtaksrétt og er það tryggt með lögveðrétti í húsi og öðrum mann-